



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Veluti Totidem Ramos
Distributa

Ilsung, Jakob

Dilingæ, 1693

Meditatio CCCLXXV. Parabola Pharisæi arrogantis, & Huilis Publicani.

[urn:nbn:de:hbz:466:1-60727](https://nbn-resolving.de/urn:nbn:de:hbz:466:1-60727)

quam Creatori, Conservatori, Redemptori, Supremo Domino, continuo Benefactori maximo, & gravissimè à nobis & sæpiissimè peccatis læso. Unde, quid fecerimus, neandum, quantum debuimus, fecimus, sed modicum quid, summè illi debitum. Ideo omni Favore & Gratiâ adhuc indignos nos æstimesmus vi operis nostri; & omnia, quæ accipimus, Divinæ Misericordiæ & Munificentia in acceptis referamus.

MEDITATIO CCCLXXV.

*Parabola Pharisæi arrogantis,
& Humilis Publicani. Luc. 18. v. 9.*

PUNCTUM I. *Dixit autem ad quosdam, qui in se confidebant tanquam Justi, & aspernabantur cæteros, Parabolam istam. Duo homines ascenderunt in Templum, ut orarent: unus Pharisæus, & alter Publicanus. Pharisæus stans, hec apud se orabat: DEVS gratias ago tibi, quia non sum, sicut cæteri hominum; raptiores, iniusti, adulteri, velut etiam hic Publicanus. Jejuno bis in Sabbato (id est, in hebdomade, unde dies numerabantur, prima Sabbati, secunda Sabbati) Decimas do omnium, quæ possideo. Luc. 18. v. 9. Considera, hic à Christo describi hominem Superbum, qui licet dicendo: DEVS, gratias ago tibi &c. omnia sua bona Gratiaæ Divinæ adscripserit (aliias enim non tantum Superbus, sed etiam Hæreticus fuisset) tamen non Humilis, sed Superbus erat; quia adhuc sibi de suis bonis complacuit, seipsum & sua æstimavit, & alijs prætulit. Unde tales de Superbia reprehendit S. Paulus i. Cor. 4. v. 7. Quid autem*

354 Ab Octava SS. Corp. Christi usque ad Adventum.
tem habes, quod non acceperisti? Si autem acceperisti, quid gaudiari
quis, quasi non acceperis? Ne ergo Phariseus ille sibi
complaceret, & notorio peccatori gravissimo se praferre auderet, cogitare debuisset, quod si Deus suus
Auxilia alteri, & alterius Auxilia sibi dedit, alio
longè Sanctius, & ipse adhuc pejus vixisset. Prae-
rea debuisset timere suam inconstantiam, & mutabi-
litatem, ne scilicet ipse, uti factum est, fieret alter
peccatore deterior, & peccator melior ipso. Adhuc
non debuisset cogitare ac respicere mala, quae non ha-
bebat; & bona, quae habebat: sed convertere oculos
ad mala, quae habebat; & ad bona, quae non ha-
bebat. Et licet non invenisset in se gravia peccata
debuisset metuere, ne eadem se laterent; ac dicens
apud se, quemadmodum S. Paulus: *Nihil enim mihi
conscius sum, sed non in hoc iustificatus sum.* I. Cor. 4.
4. Neque tantum debuisset sibi gratulari, quod qua-
dam magna & mortalia peccata non commiserit, se-
potius animo revolve multitudinem venialium
suum peccatorum, & propter haec dignum se cen-
sere, qui finatur successivè labi in gravissima pecca-
ta, atque adeò tanta, ut fieret omni peccatore dete-
rior. Imò debuisset ab omni vana complacentia
atque ab aliorum contemptu cavere sibi, ne propte-
r hanc ipsam Superbiam à Deo desereretur. Quod ita
que Phariseus ad evitandam Superbiam debuisset fa-
cere, tu facito.

PUNCT. II. *Et Publicanus à longè stans, nolens*
nec oculos ad Cælum levare: sed percutiebat pectus suum, de-
cens: DEUS propitius esto mihi peccatori. v. 13. Confide
ra hinc à Christo describi hominem Humilem; q
agnitis suis peccatis, vilissimam de se habet opinio-

nem , & omnes alios se meliores aestimans , de se solo precatur : *DEVS propius es mihi peccator* : Qui propterea etiam semper vilius & deterius eligit , quemadmodum iste Publicanus elegit locum à Sanctuario , sive à Sancto Sanctorum longè remotum ; námque verè Humilis eligit semper locum infimum , officium infimum &c. Indignum etiam se censet aspectu Cæli , & omni Favore Cælesti , imò omni bono. Ideo Publicanus nec oculos volebat ad Cælum levare. Præterea vilissimam illam opinionem , quam Humilis habet de se , vult etiam ab alijs de se haberi. Hinc non occultat , nec dolet , si defectus sui alijs innoscant , sed potius eos ipse manifestat ; sicut iste Publicanus tundens pectus , ac profitens se peccatorem , audiente Phariseo , hujusmodi Humilitatis de se exemplum dedit , æquissimo animo ferens , se à Phariseo contemni.

PUNCT. III. *Dico vobis : Descendit hic iustificatus in domum suam ab illo* (id est , *Præ illo*) *Quia Phariseus vel non habuit Gratiam Justificantem propter alia præcedentia peccata ; vel habitam amisit per injustum & gravem contemptum Proximi ; vel si habuit & retinuit , tamen omne ejus Jejunium , & solutio Decimorum , non tantum Gratiæ Justificantis merebatur , quantum merebatur Publicanus perfectè Contrito & Humiliato Corde.* *Quia omnis , qui se exaltat , humiliabitur ; & qui se humiliat , exaltrabitur.* Luc. 14. v. 11. Superbia enim est radix omnium vitiorum : Humilitas autem , teste Gregorio Lib. 23. Moral. c. 13. Magistra est , omniumque Mater Virtutum. *Quia DEVS Superbis resistit , Humilibus autem dat Gratiam.* I. Petri. 5. v. 5. Expende hīc etiam Divinam Misericor-

356 *Ab Octava SS. Corp. Christi usque ad Adventum.*
diam , quām prompta sit ad dandam Veniam : &
quām verē Pœnitens David Ps. 50. de Clementissi-
mo D E O dicat : **Cor Contritum & Humiliatum DEVS non**
despicias.

M E D I T A T I O CCCLXXVI

Christus Parvulis Manum imponit.

Matth. 19. v. 13. Marc. 10. v. 13. Luc. 18. v. 15.

PUNCTUM I. *Tunc oblati sunt ei Parvuli , ut Manus eis imponeret , & oraret.* Matth. 19. v. 13. Per hand Manuum Impositionem , & Orationem designatur , & quasi præfiguratur Sacramentum Confirmationis in quo Christus per Episcopum idem facit. Unde si- cut parentes Parvulorum , vel ipsi etiam Parvuli , qui fuerunt adultiores , pro summa gratia habuerunt quando Christus illis Manus imposuit , & oravit , sive benedixit illis ; ita pro summa gratia habendum est Sacramentum Confirmationis , nec ejus effectus fru- straneus , & inutilis per torporem nostrum redden- dus ; sed in illius virtute contra visibiles & invisibiles hostes fortiter & constanter pro Fide , pro Virtute , pro Gratiæ primæ , in Baptismo acceptæ , conservatio- ne pugnandum. Ex hac Manuum impositione etiam discant illi , qui Proximi Salutem procurant , duo se præstare debere ; primum , ut manus ei imponant , id est , opere juvent ; alterum , ut pro eo orient .

PUNCT. II. *Discipuli autem increpabant eos (scilicet offerentes ; vel ut Marcus c. 10. v. 13. ait : Communi- nabantur offerentibus , id est , serio vultu repellebant , ne Christum à conversatione cum adultis , atque à Prædi-*